

Amandmani na prijedlog Zakona o Budžetu institucija Bosne i Hercegovine i međunarodnih obaveza Bosne i Hercegovine za 2009. godinu.

Poslanik SDP BiH
Mr.sc. Denis Bećirović

Na osnovu člana 118. stav 2. Zastupničkog doma Parlamentarne skupštine Bosne i Hercegovine, ulažemo amandmane na Prijedlog zakona o Budžetu institucija BiH i međunarodnih obaveza BiH za 2009. godinu, koje želimo braniti u Plenarnoj fazi.

Amandmani na prijedlog Budžeta institucija BiH za 2009. godinu

Amandman I

U članu 2, tabela 2 „Zbirni bilans po ekonomskim kategorijama“, iznos za stavku „Bruto plate i naknade“ umanjuje se za „32.655.486“.

Amandman II

U članu 2, tabela 2 „Zbirni bilans po ekonomskim karegorijama“, iznos za stavku „Naknade troškova zaposlenih“ umanjuje se za „6.709.772“.

Amandman III

U članu 2, tabela 2 “Zbirni bilans po ekonomskim kategorijama”, iznos za stavku “Putni troškovi” umanjuje se za “1.853.635”.

Amandman IV

U članu 3, tabela 3 “Raspored prihoda po budžetskim korisnicima”, iznos za stavku “Parlamentarna skupština Bosne i Hercegovine” umanjuje se za “604.478”.

Amandman V

U članu 3, tabela 3 “Raspored prihoda po budžetskim korisnicima”, iznos za stavku “Predsjedništvo Bosne i Hercegovine” umanjuje se za “436.076”.

Amandman VI

U članu 3, tabela 3 “Raspored prihoda po budžetskim korisnicima”, iznos za stavku “Generalni

sekretarijat Vijeća ministara Bosne i Hercegovine” umanjuje se za “395.449”.

Amandman VII

U članu 3, tabela 3 “Raspored prihoda po budžetskim korisnicima”, iznos za stavku “Ured ombudsmana za ljudska prava” uvećava se za “200.000”.

Amandman VIII

U članu 3, tabela 3 “Raspored prihoda po budžetskim korisnicima”, iznos za stavku “Direkcija za evropske integracije” uvećava se za “1.600.000”.

Amandman IX

U članu 3, tabela 3 “Raspored prihoda po budžetskim korisnicima”, iznos za stavku “Komisija za očuvanje nacionalnih spomenika” uvećava se za “600.000”.

Amandman X

U članu 3, tabela 3 “Raspored prihoda po budžetskim korisnicima”, iznos za stavku “Arhiv Bosne i Hercegovine” uvećava se za “415.000”.

Amandman XI

U članu 3, tabela 3 “Raspored prihoda po budžetskim korisnicima”, iznos za stavku “Fond za povratak” uvećava se za “430.000”.

Amandman XII

U članu 3, tabela 3 “Raspored prihoda po budžetskim korisnicima”, iznos za stavku “Institucija ombudsmana za zaštitu potrošača” uvećava se za “350.000”.

Amandman XIII

U članu 3, tabela 3 “Raspored prihoda po budžetskim korisnicima”, uvodi se nova stavka “Fond za finansiranje nadarenih učenika i studenata u Bosni i Hercegovini” u iznosu od “7.000.000”.

Amandman XIV

U članu 3, tabela 3 “Raspored prihoda po budžetskim korisnicima”, uvodi se nova stavka “Program pomoći najugroženijim penzionerima u Bosni i Hercegovini” u iznosu od “10.000.000”.

Amandman XV

U članu 3, tabela 3 “Raspored prihoda po budžetskim korisnicima”, uvodi se nova stavka “Program za finansiranje otvaranja malih i srednjih preduzeća u Bosni i Hercegovini” u iznosu od “22.000.000”.

Amandman XVI

U članu 3, tabela 3 “Raspored prihoda po budžetskim korisnicima”, uvodi se nova stavka “Pomoć decertificiranim policajcima u Bosni i Hercegovini” u iznosu od “430.000”.

Amandman XVII

U članu 3, tabela 3 “Raspored prihoda po budžetskim korisnicima”, uvodi se nova stavka “Pomoć u finansiranju izgradnje spomenika Srđanu Aleksiću u Trebinju” u iznosu od “20.000”.

Amandman XVIII

U članu 3, tabela 3 “Raspored prihoda po budžetskim korisnicima”, uvodi se nova stavka “Pomoć za rad tijela u okviru Parlamentarne skupštine Bosne i Hercegovine zaduženog za praćenje, monitoring i evaluaciju provođenja Strategije za borbu protiv organizovanog kriminala i korupcije” u iznosu od “50.000”.

OBRAZLOŽENJE AMANDMANA:

Prvi amandman se odnosi na smanjenje bruto plaća i naknada za $\frac{1}{4}$ u odnosu na planirano povećanje za 2009. godinu, a koji su neopravdano povećani u 2009. godini, u ukupnom iznosu od 130.621.944 KM.

Drugim amandmanom se smanjuju naknade troškova zaposelnih za $\frac{1}{4}$ u odnosu na planirano

povećanje za 2009. godinu, a koji su neopravdano povećani u 2009. godini, u ukupnom iznosu od 26.839.090 KM.

Trećim amandmanom se smanjuju putni troškovi za $\frac{1}{4}$ u odnosu na planirano povećanje za 2009. godinu, a koji su neopravdano povećani u 2009. godini, u ukupnom iznosu od 7.414.541 KM.

Četvrtim amandmanom se smanjuju izdaci prema Parlamentarnoj skupštini Bosne i Hercegovine za $\frac{1}{4}$ u odnosu na planirano povećanje za 2009. godinu, a koji su neopravdano povećani u 2009. godini, u ukupnom iznosu od 2.419.133 KM.

Petim amandmanom se smanjuju izdaci prema Predsjedništvu Bosne i Hercegovine za $\frac{1}{4}$ u odnosu na planirano povećanje za 2009. godinu, a koji su neopravdano povećani u 2009. godini, u ukupnom iznosu od 1.744.304 KM.

Šestim amandmanom se smanjuju izdaci prema Generalnom sekretarijatu Vijeća ministara Bosne i Hercegovine za $\frac{1}{4}$ u odnosu na planirano povećanje za 2009. godinu, a koji su neopravdano povećani u 2009. godini, u ukupnom iznosu od 1.581.799 KM.

Sedmim amandmanom se povećavaju sredstva za rad Ureda ombudsmana za ljudska prava Bosne i Hercegovine. Ovaj amandman daje dodatnu podršku zaštiti ljudskih prava i građanskih sloboda u Bosni i Hercegovini, te se iznos za 2009. godinu od 2.145.000 povećava na 2.345.000 KM.

Osmim amandmanom se povećavaju sredstva za rad Direkcije za evropske integracije. Potpisivanje Sporazuma o stabilizaciji i pridruživanju predstavlja prvi ugovorni odnos između Bosne i Hercegovine i Evropske unije kojim je naša država preuzela niz obaveza koje treba realizirati u narednim godinama. U tom procesu Direkcija za evropske integracije ima veliku obavezu i odgovornost, naročito ako se ima u vidu njena obaveza da izradi niz programa koji se odnose na integrisanje BiH u EU. Između ostalog, od aktivnosti Direkcije za evropske integracije zavisi brzina kojom će BiH steći kandidatski status za članstvo u EU i u konačnici ostvariti svoj strateški cilj – punopravno članstvo u EU. Također, podsjećam da je Predstavnički dom Parlamentarne skupštine BiH u 2008. godini usvojio "Rezoluciju o ubrzanju procesa pristupanja Bosne i Hercegovine u EU" koja govori o novim obavezama i zadacima Direkcije za evropske integracije BiH. Imajući to u vidu, nužno je povećati finansijska sredstva za rad Direkcije za evropske integracije, tako da se iznos u ovoj stavki povećava za 1.160.000 KM.

Devetim amandmanom se povećavaju sredstva Komisiji za očuvanje nacionalnih spomenika za 600.000 KM. Trenutno stanje u ovoj oblasti je zabrinjavajuće i nužno je u najkraćem roku usmjeriti finansijska sredstva za ovu oblast.

Desetim amandmanom se povećavaju sredstva za rad Arhiva Bosne i Hercegovine. Arhiv BiH predstavlja nacionalno blago države BiH i njenih naroda. Trenutno stanje je krajnje nezadovoljavajuće i ispod evropskih i svjetskih standarda u arhivskoj djelatnosti. Zbog toga je nužno povećati finansijska sredstva za ovu namjenu u iznosu od 415.000 KM, kao minimum za normalno funkcionisanje Arhiva BiH.

Jedanaestim amandmanom se povećavaju sredstva predviđena Fondu za povratak u iznosu od 430.000 KM. Pitanje povratka izbjeglih i raseljenih lica je jedno od ključnih pitanja za budućnost BiH, te je stoga neophodno i na ovaj način stimulisati proces povratka stanovnika BiH na predratna ognjišta.

Dvanaestim amandmanom se povećavaju sredstva usmjerena prema Instituciji ombudsmana za zaštitu potrošača u iznosu od 350.000 KM. BiH još uvijek nema Državni godišnji program zaštite potrošača za period od 2008. do 2011. godine, a zaštita potrošača je još uvijek u ranoj fazi, te je stoga potrebno dodatno podržati aktivnost ombudsmana za zaštitu potrošača.

Trinaestim amandmanom se uvodi nova stavka za Fond kojim iz kojeg bi se finansirali nadareni učenici i studenti. Zbog ekonomske krize koja sve više zahvata i BiH neophodno je iskazati odgovornost za budućnost zemlje i mlade generacije, te je stoga predloženo da se za ovu namjenu u 2009. godini izdvoji 7.000.000 KM.

Četrnaestim amandmanom se uvodi nova stavka za Program pomoći najugroženijim penzionerima u Bosni i Hercegovini. Za ovu namjenu je predviđeno 10.000.000 KM u 2009. godine. Usvajanjem ovog amandmana iskazali bi smo socijalni senzibilitet za najnezaštićeniju starosnu kategoriju u BiH u godini ekonomske krize.

Petnaestim amandmanom se uvodi nova stavka za Program za finasiranje otvaranja malih i srednjih preduzeća u Bosni i Hercegovini u iznosu od 22.000.000 KM.

Šesnaestim amandmanom se uvodi nova stavka za Pomoć decertificiranim policajcima u BiH u iznosu od 430.000 KM. Ovim amandmanom bile bi ublažene (manjim dijelom) posljedice evidentnog kršenja ljudskih prava ove grupacije.

Sedamnaestim amandmanom predviđa se ugrađivanje nove stavke s ciljem pomoći u izgradnji spomenika Srđanu Aleksiću u Trebinju. Pored ostalih razloga, podsjećam da je Predstavnički dom na svojoj 10. sjednici održanoj 13.6.2007. godine, usvojio Inicijativu kojom zadužuje Vijeće ministara BiH da u saradnji sa nadležnim tijelima Općine Trebinje finansijski pomogne izgradnju spomenika Srđanu Aleksiću u Trebinju.

Osamnaestim amandmanom se uvodi nova stavka kojom se iskazuje ozbiljna namjera da se realizira zaključak koji je usvojen na Konferenciji održanoj povodom Međunarodnog dana borbe protiv korupcije u Sarajevu 11. decembra 2008. godine. Na ovom skupu, između ostalog, usvojen je sljedeći zaključak: "Neophodno je ubrzati realizaciju inicijative TI BiH FOD BiH za usvajanje strategije za suzbijanje korupcije i formiranje tijela u okviru Parlamentarne skupštine BiH zaduženog za praćenje, monitoring i evaluaciju provođenja strategije, uz uključivanje predstavnika organizacija civilnog društva i eksperata, po uzoru na zemlje regiona i druge zemlje koje su ostvarile značajnije uspjehe na planu strateškog pristupa suzbijanju korupcije". Imajući u

vidu naprijed navedeni zaključak, a koji je donesen u saradnji sa poslanicima i delegatima Parlamentarne skupštine BiH, predlažem da se za ovu namjenu izdvoji 50.000 KM.